




183

Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 01-40- 25-1 /26
Sarajevo, 08.01.2026. godine



SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -

PREDMET: Odgovor na zastupničku inicijativu, *d o s t a v l j a s e.*

V E Z A: Zastupnička inicijativa zastupnika Muamera Bandića od 06.01.2026. godine

Poštovani,

Zastupnik Muamer Bandić, je dana 06.01.2026. godine podnio slijedeću zastupničku inicijativu:

„da Kantonalni štab civilne zaštite hitno, u skladu sa članom 27. Zakona o zaštiti i spašavanju ljudi i materijalnih dobara od prirodnih i drugih nesreća, tačka 8), kojom je propisano da se na prijedlog kantonalnog štaba civilne zaštite proglašava stanje prirodne i druge nesreće na području kantona i naređuje upotreba snaga i sredstava civilne zaštite, organa uprave, privrednih društava i drugih pravnih lica sa područja kantona na prevenciji, ublažavanju i otklanjanju štetnih posljedica po ljude i materijalna dobra, predloži Vladi Kantona Sarajevo da proglasi stanje prirodne i druge nesreće, kako bi se na vrijeme poduzele mjere zaštite i spašavanja od snježnih padavina, poplava i klizišta i drugih nesreća, u cilju zaštite života građana, njihove imovine i drugih materijalnih dobara.“

ODGOVOR:

Štab civilne zaštite Kantona Sarajevo (u daljnjem tekstu: Štab) je dana, 05.01.2026. godine održao sjednicu na kojoj je razmatrao trenutno stanja na području Kantona Sarajevo uzrokovano snježnim padavinama. Na osnovu izvještaja dostavljenog od Kantonalnog operativnog centra civilne zaštite, Štab je konstatovao da su Kantonalna uprava civilne zaštite Kantona Sarajevo i općinske službe civilne zaštite s područja Kantona Sarajevo, odmah po prijemu Upozorenja o obilnim padavinama od Federalnog hidrometeorološkog zavoda i Upozorenja i preporuka za provođenja mjera zaštite i spašavanja uslijed najavljenih ekstremnih velikih padavina Federalne uprave civilne zaštite, stavili svoje organizovane snage zaštite i spašavanja u pripravnost, te da se u toku 4. januara

pratili stanje na području svih općina u Kantonu Sarajevo i u sardnji sa nadležnim komunalnim javnim preduzećima i službama poduzimali mjere i aktivnosti iz svoje nadležnosti, tako da je obezbjeđeno funkcionisanje vitalnih funkcija društva na području Kantona Sarajevo (osigurano je kontinuirano snabdijevanje građana sa svim energentima, osnovnim životnim namirnicama, lijekovima i drugim potrepštinama; u krakom roku normalizovano je odvijanje gradskog saobraćaja (osim u pojedinim padinskim dijelovima gdje se autobuski i minibuski saobraćaj nije odvijao zbog neočišćenih saobraćajnica) i međugradskog saobraćaja; osigurano je nesmetano funkcionisanje zdravstvenog sistema; uspješno je odgovoreno svim zahtjevima građana za prevoz prema zdravstvenim i drugim ustanovama).

Shodno navedenom, a imajući u vidu činjenicu, da Štab i Kantonalna uprava civilne zaštite Kantona Sarajevo, nisu zaprimili nijedan zahtjev od općinskih štabova civilne zaštite i općinskih službi civilne zaštite s područja Kantona za pružanje bilo koje vrste pomoći, da nijedna od općinskih službi civilne zaštite s područja Kantona Sarajevo nije dostavila podatke da su snježne padavine svojim djelovanjem ugrozile veći broj ljudi i materijalnih dobara na njihovom području, te da nijedna općina s područja Kantona Sarajevo nije proglasila stanje prirodne i druge nesreće na svom području uslijed snježnih padavina, Štab je na sjednici procijenio da nisu ispunjeni uslovi za proglašenje nastanka prirodne nesreće zbog snježnih padavina na području Kantona Sarajevo.

S obzirom da se prema prognozama Federalnog hidrometeorološkog zavoda i u narednom periodu na području Kantona Sarajevo očekivale obilne snježne padavine, koje bi mogle prouzrokovati probleme u funkcionisanju vitalnih funkcija društva, te da bi naglo topljenje snijega moglo prouzrokovati bujične poplave i klizišta, Štab je donio Preporuke, kojim se preporučuje općinskim službama civilne zaštite s područja Kantona Sarajevo, da kontinuirano vrše obilazak najugroženijih područja od snježnih padavina, poplava i klizišta, te da odmah stave svoje organizovane snage zaštite i spašavanja u stanje pripravnosti, kako bi iste bile spremne kao snage prvog odgovora, da u skladu sa svojim nadležnostima i obavezama po planovima zaštite i spašavanja reaguju na potencijalno moguće obilne snježne padavine, te pojavu poplava i klizišta na području svojih općina. Navedenim Preporukama preporučeno je nadležnim kantonalnim organima i općinskim službama za upravu da u punom kapacitetu angažuju pravna lica (s kojima imaju potpisane sporazume/ugovore o zimskom održavanju puteva) na kontinuiranom čišćenju snijega sa saobraćajnica, kao i svim pravnim i fizičkim licima da na vrijeme preduzmu preventivne mjere zaštite i spašavanja od snježnih padavina, poplava i klizišta, te građanima da se ne kreću u blizini velikih stabala i objekata zbog opasnosti od urušavanja stabala i padanja ledenica i snijega s krovova objekata. Također, je preporučeno nadležnim inspekcijskim organima da pojačaju aktivnosti na terenu i da u skladu sa svojim ovlaštenjima preduzmu mjere prema svim pravnim i fizičkim licima, koja neizvršavanjem svojih zakonskih obaveza dodatno povećavaju opasnost po ljude i materijalna dobra, te Kantonalnoj upravi civilne zaštite Kantona Sarajevo, da kontinuirano prati stanje na području Kantona Sarajevo i da o istom izvještava Štab, kako bi isti mogao na vrijeme poduzeti mjera iz svoje nadležnosti. Preporuke Štaba su isti dan (05.01.2025. godine) dostavljene svim općinskim službama civilne zaštite i kantonalnim ministarstvima, a putem Press služba Kantona Sarajevo su odmah objavljene na službenoj web stranici Vlade Kantona Sarajevo i dostavljene printanim i elektronskim medijima u cilju upoznavanja pravnih i fizičkih lica sa sadržajem istih.

S poštovanjem,

Dostavljeno:

- Naslovu
- a/a

